

paul? **V**ns wonung sol sin
 in dem hymelriche. da ist vns
 schatz vñ vnser erbe. vnd da
 sont wir och wonen mit vn
 sern gedenken. **D**er sechste
 böchstab haisset Sobusta. dz
 ist stark. **D**v solt stark sin an
 gedult. swz dich arbeit oder
 betrubde ane gange die solt
 dv gedultlichen liden. vnd
 solt gedenken. **O**f vñ **G**ot
 hre min. **w**ie dv mich minest
 mit din klaimot. **D**isv arbeit
 ist mir ain band. dz mich zú
 dir binden sol. dz dv mich so
 recht liep hast. dz dv mir das
 selle trank vñ dz selb kland
 gult dz dv trüge. vnd da mit
 dich din lieb vatt klandet do
 dv vff ertrich wärt. das ich
 din waken tragen sol aines
 so richen kinges. dz ist mir
 ain ere. ob ich ez erkene. **S**wé
 ne ich gedenke an dinen tot.
 hre so mag ich dez wol spotté
 dez ich durch dich lide. **d**a vñ
 spricht sant **B**nij. **S**o d' ritter
 sins hren wunden sihe blöten
 so wirt er also stark vñ also

veste dz er sin selber wun
 den mit enphindet. **A**lso
 achtet och d' mēsch siner
 arbeit mit so er gedenket
 an vnser hren arbeit.
Die er durch in erluten
 hat. vñ an sinen tot. **D**
 sibend böchstab haisset
 electa. dz ist erwelt. **G**e
 denke dz dv bist erwelt
 vff aller d' welte. **d**a von
 sprichet dv sele. **O**lieb hre
 ihv xpe. dv bist min vnd
 bin ich din. vñ da von ist
 mir allv dū welt ze vñ
 worden. **w**on dv hast mich
 dzvs erwelt. vñ ich han dich
 ewelt. zú ain obrotten lieb.
 vñ han vsmahet alle die
 wüne dirre welt durch dich.
O hre sprichet sant **A**vgusti?
do ich vsmahet alle die wel
 te. **d**o genaigtet dv dich in
 min sele. vñ wärt mir ain
 fröde ob all fröde. vnd ain
 sökheit ob all sökheit. vñ
 ain ere. ob aller ere. **D**er
 achtent böchstab haisset
 sociata. **D**z ist zú gefüget.